



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Dvb. 3. Vtrum peccator teneatur in Paschate conteri, sicut tenetur  
confiteri.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

In ipsum; seu cum quadam suggestione, quæ veluti insinuat interius, *Fac hoc.*

Probatur propositio: Si homo tunc teneretur, Vel id esset ratione ipsius particularis præcepti contritionis; nempe quia conferetur impenitens, nisi tum pecciteret: & hoc non: quia in ceteris præceptis hoc non cernitur: non enim tenemur, quoties nobis occurrit aliqua res credenda, statim elicere actum fidei; neque censemur infideles, si id non faciamus. Ratio est: Quia obligatio præcepti nascitur ex natura rei; non autem ex apprehensione nostra, aut motu aliquo ad id, quod præcepto est contrarium. Vel id esset ratione præcepti dilectionis; quia videlicet alioquin conferetur Deum contemnere: & hoc non: quia peccator non tenetur, quoties illi occurrit cogitatio aliqua de Deo diligendo, eiusque beneficijs, excitare actum dilectionis. Vel denique, id esset ratione periculi consentiendi; quod, nisi conteratur, evidens sit periculum, ne à peccato rursus vincatur: & hoc non: quia non semper est tale periculum: & in tali eventu possim mentem ad alia distractare, & sic eam cogitationem excutere. Si tamen quis apprehendat se esse in evidenti periculo consensu, nisi se ad dolorem peccatorum excitetur, tunc ratione conscientia tenebitur.

Dico Quartò: Præceptū Contritionis aliquando per se obligat peccatorem sub nouo peccato mortali, aliquando ratione alterius operis.

Ratione sui obligat, Primò: In periculo mortis: quia nisi tunc contritionem concipiatur, constituit se in presentissimo periculo perpetuè inimicitia cum Deo, & aeterna damnationis sui ipsius: vnde peccat nouo modo contra dilectionem Dei & sui. Secundò: valde probabile est, hoc præceptum etiam obligare ratione sui sub nouo peccato mortifero, non contritus nimis diu differatur, v. g. ad quatuor vel quinq; annos. Ratio est, Quia alioqui videbitur peccator nouo modo contemnere diuinam amicitiam, si tamdiu voluntariè maneat in eius inimicitia, sicut alibi dictum est de præcepto charitatis: hoc tamen tempus non potest à nobis præcisè determinari, sicut nec tempus Eucharistie præcipienda, quatenus iure diuino præceptum. Dixi, *esse valde probabile*, quia non est certum: nam non est improbabile, præceptum contritionis non obligare per se sub mortali, nisi in periculo mortis, sed alia tantum sub veniali.

Secundo modo obligat hoc præceptum ratione alterius: Primò, Quando peccator debet aliquod Sacramentum percipere, vel administrare, & deest copia Confessoris; tunc enim, ne indignè Sacramentum trahatur, tenetur concipere contritionem. Secundò: Quando tota aliqua Rcspubl. versatur in grauissimo periculo salutis, sicut apud Ninuitas. Ratio est, Quia si in priuato periculo teneor, multò magis in communi. Ita Hadrianus quæst. 3. de Contritione, & Petrus Soto lectione 3. Sed videtur hic casus vix posse incidere, nisi quis se quoque in mortis periculo videat constitutum; tunc enim ratione sui, non communis tenetur: vel certè, nisi quis existimet suā causā malum diuinatus inferri Republicā, vt quando Achan accepit de anathemate, Iosue 7. & quando Israēl punitus est ob numerationem populi factam per David, 2. Regum 24. Tertiò: Quando aggrediendum est

magnum opus quoddam spirituale, in quo magna Dei auxilium est necessarium: vt si profitenda fides coram Tyranno, si prædicandum Euangeliū inter infideles, præfertim cum vita periculo: peccator enim talia aggrediens sine debitâ preparacione, videtur tentare Deum. Quartò: Quando quis in magno periculo peccati ratione alienus tentationis constitutus est, quod non putat se superaturum, nisi serio ad Deum recurrat.

Notandum: Quando præceptum contritionis obligat ratione alterius, v. g. ratione Sacramenti percipiendi, omissionem eius non esse distinctum peccatum ab indignâ perceptione Sacramenti; quidquid dixerit Melchior Canus. Ratio est: Quia contritus tunc non præcipitur propter se, sed solùm ut necessaria dispositio ad aliud, & quasi sub conditione, nempe, *Si relis Sacramentum percipere, conterere.* Vnde non peccatur præcisè omissione contritionis, sed indigna Sacramenti perceptione. Idem dicendum, quando peccator videtur necessaria contritus ad vitandum aliud peccatum, & tamē eam omittit. Tunc easim omissione illa solùm censetur peccatum, quatenus est consensus interpretius in peccatum, ad quod tentatio illum virget, v. g. in fornicationem: vnde solùm habet malitiam fornicationis.

<sup>9</sup>  
An omissionis  
contritionis  
tunc sit di-  
stinctum  
peccatum,

### DUBIUM III.

Vtrum peccator teneatur in Paschate conteri, sicut tenetur confiteri?

Dominicus Soto dist. 17. quæst. 2. art. 6. respondet affirmativè: adeò, vt quamvis peccator in Paschate careat Confessore, nihilominus teneatur tunc contritionem concipere sub nouo peccato mortifero. Ratio ipsius est, Quia penitentia Christiana continet contritionem & confessionem: atqui tempus Christiana penitentia ab Ecclesia determinatum, est tempus Paschæ: ergo si tunc peccator non possit eam penitentiam praefare quoad confessionem, saltet tenebitur quoad alteram partem, scilicet contritionem. Sed contrarium est tenendum cum Caetano, verbo *Contritu*, in Summa.

Dico igitur Primò: Si confiteatur peccator, non tenetur, nisi ad attritionem Sacramento necessarium. Ratio est, Quia cum præceptum contritionis & confessionis sint duo præcepta, Ecclesia solùm in Paschate præcipit confessionem; & consequenter solùm id, quod ad hanc ritè faciendam est necessarium, quod est attritio.

<sup>11</sup>  
Responso

est negans

contra

Dom. Soto

Dico Secundo: Si non possit tunc confiteri, aut etiam nolit, non tenetur vi præcepti Ecclesiæ ad contritionem. Ratio est, Quia cum contritus sit actus internus, non potest Ecclesia ad eam obligare, nisi quatenus necessaria est ad confessionem: ergo quando non potest confiteri, aut etiam non vult, non tenetur conteri ex vi præcepti Ecclesiæ: sicut qui non potest recitare Horas, non tenetur adhibere aliam internam devotionem, quam ad lectionem Horarum adhiberet debuisset.

Dixi, *Ex vi præcepti Ecclesiæ*; quia si talis peccator velit percipere Eucharistiam, vel aliud Sacramentum, tenetur iure diuino concipere contritionem; vt supra dictum est.

Ttt QVÆ-